

DESET FAZA GENOCIDA

Genocid se nikada ne desi samo tako. Uvijek postoji sklop okolnosti koje se dešavaju ili koje se kreiraju kako bi se izgradila klima u kojoj se može desiti genocid. Naš list donosi grafiku "10 faza genocida" urađenu prema studiji Gregory H. Stanton na objavljenoj na stranici www.genocidewatch.net

PRIJEVOD: MIRNES KOVAČ


INFOGRAFIKA: SAFER MUMINOVIĆ



1. FAZA

KLASIFIKACIJA


Ne poštivaju se razlike među ljudima. Dešava se dijeljenje ljudi na "mi" i "oni". Ovo se može sprovoditi korištenjem stereotipa, ili isključivanjem ljudi za koje se smatra da su različiti.



2. FAZA

SIMBOLIZACIJA


Ovo je vizuelna manifestacija mržnje. Židovi u nacističkim logorima u Europi su bili prisiljavani da nose žute trake da bi se pokazalo da su "različiti."



3. FAZA

DISKRIMINACIJA


Dominantna grupa uskraćuje građanska prava ili čak državljanstvo identificiranim grupama. Nacistički zakoni iz 1935. godine u nacističkoj Njemačkoj oduzeli su Židovima njihovo njemačko državljanstvo i zabranili njihovo zapošljavanje u vladinim ustanovama i na univerzitetima.



4. FAZA

DEHUMANIZACIJA

Oni koji se smatraju "različitim" se tretiraju bez ikakvih ljudskih prava ili ličnog dostojanstva. Tokom genocida u Ruwandi, Tutsije su nazivali "bubašvabama"; nacisti su Židove zvali "štetočinama".



5. FAZA

ORGANIZACIJA


Genocidi se uvijek planiraju. Režimi mržnje često treniraju one koji će sprovesti uništavanje ljudi.



6. FAZA

POLARIZACIJA


Počinje se širiti propaganda od strane mrzilačkih skupina. Nacisti su koristili novine *Der Sturmer* kako bi širili i poticali na poruke mržnje prema židovskom narodu.



7. FAZA

PRIPREMANJE


Izvršitelji planiraju genocid. Često koriste eufemizme kako bi zamaskirali svoje namjere, stvaraju strah od grupe ili skupine kojoj pripadaju žrtve i opremaju vojske, kupuju naoružanja i treniraju svoje vojske i milicije.



8. FAZA

PROGON

Žrtve se identificiraju i izdvajaju zbog njihovog etničkog ili religijskog identiteta, te se izrađuju liste smrti, odnosno liste za odstrel. Ljude nekada odvajaju u geta, deportiraju ili izgladnjuju, a imovina se često oduzima. Genocidni masakri počinju.



9. FAZA

ISTREBLJENJE

Mrzilačka grupa ubija svoje identificirane ili ciljane žrtve namjerno ciljanim i sistematskim kampanjama nasilja. Genocidom se milioni života uništavaju ili mijenjaju do neraspoznavanja.



10. FAZA

PORICANJE

Počinioci ili kasnije generacije poriču postojanje bilo kakvog zločina.

